

A pesar cu gobierno kier pa agricultura bira un pilar economico nobo:

United Farmers Aruba mustrand cu ningun banco local ta kere den agricultura



ORANJESTAD (AAN): Pa mas cu 8 luna United Farmers Aruba a cuminsa bringa pa e cunukeronan. Asina Gregory Fung a duna di conoce.

A indica cu despues di December nan a ripara cu no tin mucho cos ta andando. E ora nan a dicidi di sinta cu Prome Minister Evelyn Wever-Croes. Nan a papia cu diferente stakeholder y hasta gobierno a bin cu un pilar nobo, cua ta e sector agricola.

Kier a scucha for di Minister Presidente kico e vision ta y con e ta wordo hinca den otro. "Pasobra ta bunita pa bisa algo, pero kico ta e inhoud, kico ta e cosnan cu nos como cunukero lo por spera den futuro", Fung a remarca. Gregory Fung a laga sa cu Prome Minister no tabata mucho na altura di tur e desarojo pasobra esey ta cay bao di Minister di Finanzas. A indica cu den transcurso di un par di siman ta bay tin un

documento cu ta bay sali.

A puntra si por haya un idea di kico e documento ta contene y tambe unda e cunukeronan ta bin na remarca p'e. Loke kier preveni ta cu hende di afo ta bin haci e trabao cu nan mes por haci.

El a laga sa cu e ambiente di e reunion tabata positivo den e sentido cu tur cuatro punto cu nan a trece na mesa manera awa cu coriente. A señala cu nan kier sinta cu WEB pasobra segura a afecta hopi.

A firma un MOU hopi luna pasa y ainda nada no a tuma lugar. Banda di esaki tin e aspecto di tereno. A wordo puntra pa espacio pa ROP y ainda ta pendiente.

Na 2016 cu Minister Bermudez a firma un acuerdo ariba 'belastingvrij'. Pero e cunukeronan kier preto ariba blanco kico ta e 'belastingvrij' cu nan tin. Tambe kier sa tocante inversionnan pasobra den ningun banco local ta

kere den agricultura.

Pesey kier sa cu si ta bay crea un pilar nobo, kier sa con gobierno ta bay yuda e cunukeronan pa loke ta inversion. Por ehempel, na Corsow tin un banco special cu e cunukeronan ta uza y cu ta garantia door di gobierno, unda ta haya prestamonan di 2 pa 3 porciento, Fung a bisa.

Esey ta e caminda cu United Farmers Aruba kier pa gobierno bay aden, a subraya.

Durante e reunion cu Prome Minister el a mustra cu e ta hopi interesa den e parti di innovacion y esey e kier wak den e sector. Pero ariba esaki Gregory Fung a menciona cu esey tin su costo tambe.

A agrega cu nan a duna e



mandatario un luna mas o menos pa e por bin bek cu un par di e topiconan cu a toca y pa sinta atrobe.

Ta purba pa bin cu deadlines pasobra sino aki un aña nan lo ta sinta mesun caminda, a duna di conoce.